

Lagi Bukti Huruf Jawi Digunakan Di Indonesia



Gambar yang tertera di atas ini menunjukkan bagaimana usaha-usaha untuk menghidupkan huruf Jawi itu di pusat negara Indonesia iaitu Jakarta. Banyak risalah-risalah yang ditulis dengan huruf Jawi yang ada di tangan kita dan sebahagian daripadanya ialah majalah "BERJUANG" iaitu sebuah majalah yang berdasarkan Islam memberi penerangan kepada pengikut-pengikutnya supaya tidak terpengaruh oleh dakyah-dakyah komunis. Oleh kerana ketiadaan alat dan kepayahan mendapatnya maka majalah ini dibuat dengan "Steenseal" dan mendapat sambutan yang baik di Kota Raja, Jakarta. Adalah diakui bahawa jika huruf Jawi itu dijadikan ukuran pembacaan maka tidaklah sama sekali di Indonesia itu menjadi tempat buta huruf yang begitu hebat tetapi apakan daya telah ditanam oleh penjajah Belanda di sana yang menjadi ukuran itu ialah huruf Rumi (Latin) – dengan gambar ini masihkah orang tidak percaya bahawa huruf Jawi itu masih digemari oleh orang-orang Indonesia? Walaubagaimanapun tak dapat dinafikan bahawa setelah huruf Jawi itu dijajah oleh Belanda dahulu maka sekarang timbul ghairah yang kuat daripada orang-orang di Indonesia menghidupkan semula huruf Jawi itu. Tuan Mohammad Natsir Ketua Masyumi yang terkenal itu yakin dan percaya bahawa dalam pemilihan umum yang akan datang huruf-huruf itu mustahak digunakan di kampung-kampung kerana memahamkan tujuan-tujuan pemilihan umum itu dan orang-orang di kampung masih memandang bahawa huruf Jawi itu "keramat" percaya atau tidak atas keterangan ini kita pulangkan kepada pembaca-pembaca. Gambar Qalam.